



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2016. GODINU BH SLOBODNIH DEMOKRATA

Broj: 03-07-6-796/17
Sarajevo, 01.06.2018. godine

S A D R Ź A J

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA	4
Predmet pregleda i kontrole.....	4
Cilj pregleda i kontrole.....	4
Obim pregleda i kontrole.....	5
4. PRETHODNE KONTROLE I REVIZIJE.....	5
5. NALAZI I PREPORUKE.....	5
5.1. NALAZI.....	5
5.2. PREPORUKE.....	6

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja BH Slobodnih demokrata za 2016. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2016. godinu, utvrđeno je da su BH Slobodni Demokrati prekršili odredbe člana 11. stav (1) i člana 12. stav (1), (4) i (5) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja BH Slobodnih Demokrata za 2016. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja za 2016. godinu, BH Slobodni Demokrati nisu ostvarili prihode, što se vidi iz naredne tabele:

R/B	Izvori finansiranja	Iznos (KM)	Struktura (%)
1.	Članarina	0,00	
2.	Prilozi fizičkih lica (3-a)	0,00	
3.	Prilozi pravnih lica (3-b)	0,00	
4.	Prihodi od imovine (3-c)	0,00	
5.	Prihodi od dobiti preduzeća u vlasništvu političke stranke (3-d)	0,00	
6.	Prihodi od poklona (3-e)	0,00	
7.	Prihodi iz budžeta (3-f)	0,00	
8.	Prihodi od propagande (3-g)	0,00	
I	Ukupni prihodi (1-8)	0,00	
II	Ostali prihodi i drugo	0,00	
	Izvori finansiranja (I+II)	0,00	

U godišnjem finansijskom izvještaju za 2016. godinu BH Slobodni Demokrati nisu iskazali rashode.

2. PREDSTAVLJANJE POLITIČKE STRANKE

Naziv političke stranke: BH Slobodni Demokrati. Skraćeni naziv stranke: BH SD.

BH Slobodni Demokrati su registrovani kod Općinskog suda u Tuzli rješenjem broj: R-I-1/05 od 25.07.2005. godine.

Sjedište političke stranke je u Tuzli, Ismeta Mujezinovića bb.

Lice ovlašteno za zastupanje stranke je Sead Avdić, predsjednik.

Lice ovlašteno za podnošenje finansijskih izvještaja za 2016. godinu je takođe Sead Avdić.

Prema podacima iz godišnjeg finansijskog izvještaja za 2016. godinu, BH Slobodni Demokrati nemaju niže nivoe organizovanja.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj BH Slobodnih Demokrata za 2016. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju

političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskog izvještaja BH Slobodnih Demokrata obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju je izvršila pregled godišnjih finansijskih izvještaja BH Slobodnih Demokrata za 2007., 2008., 2009., 2011., 2012. i 2015. godinu, nakon čega su izdati izvještaji o pregledu sa mišljenjem revizora, nalazima i preporukama.

Nakon obavljenog pregleda godišnjeg finansijskog izvještaja za 2015. godinu, izdat je Izvještaj o pregledu sa mišljenjem, nalazima i preporukama revizora da stranka vodi poslovne knjige i podnose finansijske izvještaje u skladu sa računovodstvenim propisima i da finansijske izvještaje Centralnoj izbornoj komisiji Bosne i Hercegovine podnose u skladu sa Pravilnikom o godišnjim finansijskim izvještajima političkih stranaka.

BH Slobodni Demokrati nisu dostavili godišnje finansijske izvještaje za 2013. i 2014. godinu, niti su omogućili pristup svojim prostorijama kako bi se izvršila revizija navedenih finansijskih izvještaja, zbog čega je Centralna izborna komisija Bosne i Hercegovine u skladu sa odredbama člana 14. stav (2) Zakona o finansiranju političkih stranaka, Odlukama broj: 03-07-6-1100/15 od 09.12.2015. godine i broj: 03-07-6-840/16 od 08.12.2016. godine izrekla administrativnu mjeru kojom je ovoj političkoj stranci uskraćeno pravo da se kandiduje na narednim izborima.

Nerealizovane preporuke:

Na osnovu uočenih nedostataka u godišnjem finansijskom izvještaju za 2016. godinu, utvrđeno je da BH Slobodni Demokrati nisu ispoštovali date preporuke.

5. NALAZI I PREPORUKE

5.1. NALAZI

BH Slobodni Demokrati prekršili su odredbe člana 11. stav (1)¹ i člana 12. stav (1)², (4)³ i (5)⁴ Zakona o finansiranju političkih stranaka.

Na osnovu finansijskog izvještaja i revizijskih dokaza pribavljenih iz eksternih izvora, utvrđeno je da stranka nije vodila poslovne knjige, nije uspostavila evidenciju o svojim obavezama, godišnji finansijski izvještaj nije podnijela u zakonom predviđenom roku i na način kako je propisala Centralna izborna komisija BiH i nije dostavila dodatnu dokumentaciju po zahtjevu Centralne izborne komisije BiH.

(1) BH Slobodni Demokrati nisu vodili poslovne knjige i nisu podnijeli završni račun⁵. U skladu sa odredbom člana 11. stav (1) Zakona o finansiranju političkih stranaka, politička stranka je dužna da vodi poslovne knjige u skladu sa računovodstvenim propisima. Politička stranka je, u skladu sa odredbom iz člana 4. stav (2) Pravilnika o godišnjim finansijskim izvještajima političkih stranaka,

¹ Politička stranka dužna je voditi poslovne knjige i podnositi finansijske izvještaje na način koji je utvrđen zakonom i drugim propisima u skladu sa zakonom.

² Politička stranka vodi evidenciju o svojim приходima i rashodima.

³ Do 31. marta naredne godine politička stranka podnosi finansijski izvještaj u formi koju odobri Centralna izborna komisija BiH.

⁴ Sva lica koja su dužna da podnesu izvještaj moraju da podnesu i dodatne izvještaje koje Centralna izborna komisija BiH zatraži.

⁵ Obavještenje od stranke da nisu vodili finansijske izvještaje za 2016. godinu od 26.03.2018. godine.

dužna da uz finansijski izvještaj Centralnoj izbornoj komisiji BiH dostavi kopiju godišnjeg obračuna, ovjerenog od nadležne institucije (Završni račun za 2016. godinu, ovjeren od strane Finansijsko-informatičke agencije – FIA).

- (2) Politička stranka nije uspostavila potpune evidencije o obavezama, čime je prekršila odredbe člana 12. stav (1) i (4) Zakona o finansiranju političkih stranaka i odredbe Pravilnika o godišnjim finansijskim izvještajima političkih stranaka.

BH Slobodni Demokrati nisu na obrascu 5 (obaveze političke stranke) godišnjeg finansijskog izvještaja za 2016. godinu iskazali obaveze za neplaćenu kaznu po pravosnažnoj Odluci Centralne izborne komisije Bosne i Hercegovine broj: 01-07-6-1/09 od 15.12.2010. godine u iznosu od 1.000,00 KM, čime su prekršili odredbe člana 12. stav (4) Zakona o finansiranju političkih stranaka i odredbe člana 24. Pravilnika o godišnjim finansijskim izvještajima političkih stranaka⁶.

- (3) Politička stranka je godišnji finansijski izvještaj za 2016. godinu podnijela 27.03.2018. godine, tj. nakon zakonom propisanog roka, čime je prekršila odredbe člana 12. stav (4) Zakona o finansiranju političkih stranaka.
- (4) BH Slobodni Demokrati, po zahtjevu Centralne izborne komisije BiH o dostavljanju dodatne dokumentacije, broj: 03-07-6-796-3/17 od 17.11.2017. godine, nisu dostavili godišnji obračun (Bilans stanja i Bilans uspjeha) za 2016. godinu, čime su prekršili odredbe člana 12. stav (5) Zakona o finansiranju političkih stranaka.

5.2. PREPORUKE

Preporučuje se BH Slobodnim Demokratima da se pridržavaju odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da vode poslovne knjige i podnose finansijske izvještaje u skladu sa računovodstvenim propisima,*
- *da u poslovnim knjigama uspostavi tačne evidencije o obavezama stranke,*
- *da finansijske izvještaje Centralnoj izbornoj komisiji Bosne i Hercegovine podnose u skladu sa Pravilnikom o godišnjim finansijskim izvještajima političkih stranaka,*
- *da finansijske izvještaje podnosi u zakonom propisanim rokovima i*
- *da na zahtjev Centralne izborne komisije BiH dostavlja druge izvještaje i dokumentaciju koja se traži od političke stranke.*

KOMENTAR

Politička stranka BH Slobodni Demokrati nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2016. godinu.

Pomoćnik revizora
Mr. sc. Goran Cicović

Šef Službe za reviziju
Mr. sc. Hasida Gušić

⁶ U skladu sa odredbama Pravilnika o godišnjim finansijskim izvještajima političkih stranaka, politička stranka je obavezna u finansijskom izvještaju iskazati sve neizmirene obaveze, bez obzira po kom osnovu su nastale.